

յա.

Ի փետրվարի 18, ի գիշերին՝ յորում լուսանայր օրն երեքշաբթի յետ բախլախորանին եղև եանդըն մեծ ի խալաթիայ, որով յաճիւն դարձաւ բոլոր խալաթիայ: Ակտաւ եանդընն ի կրպակէ դաֆէսճի տաճկի միոյ՝ որ էր ի յարքունի ճանապարհն թօփխանային... և զի յոյժ սաստիկ էր ձիւնախառն հողմն հիւսիսոյ՝ որ յայնժամ շնչէր, վասն այն անկարելի եղև շիջուցանել զհրդեհն, որ ոչ միայն յաջ և յահեակ, այլ և յետկոյս և յառաջ կոյս ընթացեալ զազանաբար կիզոյր և լափէր զշինուածսն զամենայն մինչև ի խարաքեօյն, ի յեանըք խափուն և մինչև մերձ դուլէխափուն: Այրեցաւ լուսաւորչի ժամն՝ մնալով միայն միջին ժամն որ էր քեաւկիր պինայ, քէմէրալթըն, դուլէխափուն և ամենայն տափարակն խալաթիայու: Այրեցան և ամենայն եալը տներն խալաթիայու սկսեալ ի կրպակաց խաղախորդեացն քիրէճղաբուն մինչև ի դուրչունլու մաղազան ներփակաբար... մնացին միայն... քանի մի տունք ի փարմախղափուն...: Քանի մի տունք և կրպակք տաճկաց ի դունն թօփխանային: Եւ քանի մի տունք հայոց և տաճկաց ի դուլէղափուն... վերջապէս ի բոլոր իսլաթիայ ապրեցան ի հրդեհէ միայն տունք իբր քառասունք, և այլն ամենայն այրեցաւ: Եւ ով կարէ գրով արձանացուցանել զաղէտ ժողովրդոց... և զխղճութիւն աղքատաց և զկորուստ ոչ միայն տանց, այլ և ընչից նոցա, և զմեռանիլ անձանց ոչ սակաւուց... Առի ի սառաֆօղու սէրգիս վարդապետէն զայն չորս դուռն, զոր դուք այգր տունեալ էիք աշակերտին նորա զաղատացի պետրոս վարդապետին...: Ընդ ամէնն որպէս ասի, այրեցան ի խալաթիայ տունք աւելի քան զհազարս. և տնւորք՝ աւելի քան զերիս հազարս, զի գրեթէ յամենայն տունս կային ի վարձու տնւորք երկուք և երեք: (Հ. Զաք. Ալեքս. ևս Մեղգոնեան, 1771 Մարտի 1. [Կ. Պոլիս]):

յբ.

Եղև յաւուրս յայտոսիկ հրդեհ մեծ և սարսափելի ի խալաթիայ, որով յաճիւն դարձաւ բովանդակ խալաթիայ և ամենայն եալը տունք նորա. սկսեալ ի թօփխանի դրանէն մինչև ի խարայ քեօյն և մինչև ի խուլէղափուն. այրեցաւ և լուսաւորչի ժամն հայոց և եկեղեցիքն հոռոմոց: (Հ. Զաք. Ալ. ևս Հ. Միք. Չամլ., 1771 մարտի 1. [Կ. Պոլիս]):

յգ.

Ի մայիսի 1 եղև եանդըն մեծ ի ստամպոլ ի պախչայ խափուն սկսեալ ի դրանէ նոյն պախչայ խափուն մինչև ցպարիսպն արքունի պալատին՝ քերելով զպալատին վէզիրին. և այրեցան անբաւ տունք տաճկաց և մեծամեծ խօնախք իրիճալից նոցա. և վայրն որ այրեցաւ, էր իբրու կրկնապատիկն խալաթիոյ: Ընդ նոսին նաև եալը քեօչկին և սէփէթճիլէր քեօչկին թագաւորին, որք էին արտաքոյ պարսպի քաղաքին... Ի սմին [մայիս] ամսոջ եղև եանդըն մեծ նաև ի պուստա քաղաքն օսմանցոց. և լուաք թէ այրեցաւ գրեթէ կէսն քաղաքին, և չարսըն նորա բովանդակ. զորմէ ասեն գոլ պատուական քան զչարսըն ստամպոլու: (Հ. Զաք. Ալ. ևս Մեղգոնեան, 1771 մայիս 30. [Կ. Պոլիս]):

յդ.

Չուրն տիգրիզ գետոյն առաւել ևս յորդեցաւ ըստ ասելոյ ոմանց, մինչև զօրինակ իմն ովկիա նոսի ձևացուցանել յանապատն պասրայու դէպ ի պաղտատ: Եւ յայսմանէ սակաւիկ մի գիջաւ տօթ քաղաքիս, ի յաճախութիւն հիւանդութեան: Ասեն թէ ի տիարպէթիր կատարեալ է մահտաւրածամն մինչ գրեթէ ամենայն բնակչաց ևս փախչիլ ի տեղոջէն: Յորոց և բազումք լաստիք